



T. 136



# — قواعد ترکیه —

---

اثر

احمد جودت پاشا

---

صبیان مکتب‌الرینه مخصوص‌صدر

---

معارف نظارت جلیله سنک و خصلتیه طبع اولمشدر

درس‌عادت

(قره‌بت) مطبعه‌سی — باب عالی جاده‌سنده

۱۳۱۸

# نقشه تیت قواعد ترکیه



بسم الله الرحمن الرحيم



لسانغز اوتوز ایکی حرف ایله تکلم اولنور حال بوکه  
قولالانیلان یکریمی سکیز حرفدن عبارت اولان لسان عربی  
املاسمیدر بناء علیه عربیده بولنمیان باه فارسی و جیم فارسی  
و ژاه فارسی اوزرلرینه اوجر نقطه وضعیله قولالانیلور وکاف  
فارسی (ک) بوبله قوی قیویریق چکیله رک یازیلور بوندن بشقه  
برده کاف ترکی واردرکه ککیزدن کلور بوکا صاغیرکاف دینلوب  
اوزرینه اوج نقطه وضع اولنور سگا بگا کبی بوکاف شمدی  
استانبولده نون کبی اوقونور ایشته حرفلرک املا لری بوصورتله  
اداره ایدیلور انجق عربیده اوج حرکه واردرکه (فتحه کسره  
ضمه) در ترکیده دخی حرکه بونلر اولوب اکتریاً فتحه یه  
علامت (الف) وکسره یه علامت (با) وضمه یه علامت (واو)  
یازیلور ایسه ده فتحه ایله کسره ایکیشر قسمه و ضمه درت  
قسمه منقسم اوله رق لسانغزده سکیز درلو حرکه بولندیغندن

يك چوق كله لرك او قونوشنده صموبت چكيلور مثلا اولمكدن  
 اولدى ايله اولمقدن اولدى و بولمكدن بولدى ايله بولمقدن  
 بولدى وبوزمكدن بوزدى ايله بوزمقدن بوزدى و بيلدير -  
 مكدن بيلدر ايله كچن بيل معناسنه بيلدر بربرندن فرق اولنه من  
 بو اشتباهلري دفع ايجون مقدا بعض اشارتلى وضع اولنمش ايدى  
 مؤخرأ بو اشارتلى بعض مرتبه تبديل و تعديل اولندى شمدى  
 فتحه خفيفه ايله فتحه ثقيله يئنى فرق ايجون اوتهدنبرو  
 اوله كلديكى مثلو فتحه ثقيله لرده برالف يازيلور بالكي واكر  
 فتحه ثقيله ايله حركه لنور ايسه اوزرينه مد اشارتى وضع  
 اولنور آل كې ضمه لر دخى ( و و و ) شو دوت اشارتله بر  
 برندن تفريق اولنور مثلا اولمك اولدى اولمق اولدى بولمك  
 بولدى ايله بولمق دن بولدى وبوزمكدن بوزدى ايله بوزمقدن  
 بوزدى كې بو اشارتلى اولور ايسه واو حركه اولوب انلر  
 بولمز ايسه حرف اولور مثلا سكىنى مقامنده او ايله سيدوشكار  
 معناسنه آوكله لرند و او حذف اولوب مذكور دوت اشارتلى -  
 دن بريله يازلقد و حركه اولور ايشته بو صورتله حركه لر بربرندن  
 تفريق اولنور فقط كسره خفيفه ايله كسره ثقيله نك بربرندن  
 فرق اولمق و دخى بر اشارت علاوه سنه محتاج اولديغندن  
 كسره ثقيله آ اشارتى وضع اولنسه مثلا كچن بيل معناسنه  
 ( بيلدر ) يازلسه مناسب اوله جفندن شو رساله ده ايجابه كور  
 او صورتله ترسيم اولنور .

## ( ذکر اولئان سکز حرکه بی مبین جدولدر )

ضمه مقبوضه	ضمه مبسوطه	کسره	فتحه	
دوز یوز	اؤز سؤز	ایب چیت	ال بل	خفیفه
بوز طوز	اوق طوق	قیر ییل	آل بال	ثقیله

بعض حرفلر مثلاً کاف آغر حرکه قبول ایتمه رک دائماً  
خفیف حرکه لر ایله قوللانیلور و ( ص ق ) بالعمکس آغر حرکه لر  
ایله قوللانیلور و اکر ( س ) آغر حرکه ایله حرکه لنه جک  
اولسه ( صاد ) اولمق لازم کلور و کذا ( ص ) اکر خفیف  
حرکه ایله حرکه لنه جک اولسه ( سین ) اولمق لازم کلور اما  
حرفلرک اکثریمه بی بویله بر نوع حرکه یه مخصوص اولمیوب  
هم خفیف و هم ثقیل حرکه ایله قوللانیلور بوجهته مذکور  
اشارتله احتیاج مس ایدر .

لسانمک قواعدی قولایلقله تحصیل ایچون مقدا عاجزانه  
مدخل قواعد نام رساله یایلمشیدی بوکوره صبیانه بر مرتبه  
دهبا امر تعلیمی تسهیل ایچون اشبو رساله مختصره یازلدی  
معلمین صبیان اولان خواجه افندیلر بالاده مذکور اولان  
ایضاحاتی اذیر ایدوبده اکا کوره صبیانه بو رساله بی کوزلجه  
تعلیم ایتلمی مرجو و متمنادر .

# مقدمه

لسانمژك اصلى ترجمه اولوب صكره دن فارسی و عربی ايله قارشمشدره. بولسانده حرف اوتوز ايكيدر ( ا ب پ ت ث ج چ ح خ د ذ ر ز س ش ص ض ط ظ ع غ ف ق ك گ ل م ن و ه ی ) ضاد اكثراً ظا كبی اوقونور حاضر كبی . كاف دخی بعضاً نون كبی سويلنوب صاغر كاف دینلور و اوزرینه اوج نقطه قونور سگا بگا كبی . حرفلر بعضاً حرکلی و بعضاً حرکه سز اولور نته کیم کل دیدیکمزده كاف حرکلی و لام حرکه سزدر اصل حرکه اوچدر ( فتحه ) یعنی اوستون ( کسره ) یعنی اسره ( ضمه ) یعنی اوتره در فتحه ایکی قسمدر . فتحه خفیفه ( ال بل ) کبی فتحه ثقیله ( آل بال ) کبی . کسره دخی ایکی قسمدر کسره خفیفه ( ایب جیت ) کبی . کسره ثقیله ( قیریل ) کبی . ضمه ده بویله ایکی قسمدر که ضمه خفیفه و ضمه ثقیله در انجق بولرک هر بریسی دخی ایکیشر قسمه منقسم اوله رق ضمه درت اولور .

ضمه خفیفه مبسوطه ( اوز سوز ) کبی . ضمه خفیفه مقبوضه صایی مناسنه اولان ( اوج یوز ) کبی . ضمه ثقیله مبسوطه ( اوق طوق ) کبی . ضمه ثقیله مقبوضه ( بوز طوز ) کبی .



(الف یا واو) بویله حرکه علامتی اولدقلرندن انلره حرف  
املا دینور . و بعضاً بونلر عربی و فارسی کلهلرده چکه چک  
حرف اولوب (الف) فتحه یی (یا) کسره یی (واو) ضمه یی  
چکر (عاقل کریم مقبول کدا تهی سبو) کبی . بو سه بیدن  
انلره حرف مد دخی دینور .

(ها) دخی بمضاً فتحه علامتی اوله رق یازیلوب اکا دخی  
(حرف املا) و (های رسمیه) دینور او طه خانه عباره کبی  
بر کله نك ابتدا سنده حرکه خفیفه بونلور ایسه صکره کی  
حرکه لر دخی خفیف اولمق لازمدر سومك ایسته مك کورمك  
کولمك کبی .

و اگر کله نك اولنده ثقیل حرکه بونلور ایسه صکره کی  
حرکه لر دخی ثقیل اولور آلمق صاتمق قیرمق صورمق کبی .  
(تشدید) ترکیده قوللانیلمیوب عربی و فارسی کلهلرده بر  
حرفی ایکی کره او قوتدیرر محمد فرخ کبی .

حرفلر ایکی قسمدر بری کننیدن صکره کی حرفه بتشمین  
حرفلر اولوب حروف انفصال دینور بونلر (ا د ذ ر ز و)  
حرفلریدر . دیکری کننیدن صکره کی حرفه بتشن حرفلر  
اولوب حروف اتصال دینور بونلر باقی حرفلردر .

ذکر اولن ان حروف هجادن کله لر ترکب ایدر (کله)  
آغزندن چیقوب بر معنای افاده ایدن سوزدرکه طقوز نوعدر  
(اسم صفت ضمیر اسم اشارت مبهمات مصدر فعل فرع فعل ادوات) .  
بونلرک هر بریسی برر بایدده بیان اولنور .

## ﴿ برنجی باب اسم بیانده در ﴾

( اسم ) بر کله در که انسان و حیوان و ساثر اشیادن برین  
 بیلدیرر احمد و قلم کبی که احمد بر شخصک آدی اولوب اول  
 شخصی بیلدیرر قلم دخی یازی یازم جق شیئی بیلدیرر اسملر  
 مفرد یا خود جمع اولور . مفرد یالکیز بر شیئی بیلدیرر . کچن  
 مثاللر کبی . جمع بردن زیاده شیلری بیلدیرر و هر مفردک  
 آخرینه ( لر ) کتورلدکده جمع اولور قلملر کتسابلر اولر  
 باغچه لر کبی اسملرک آخرینه خفیف حرکه لی ایسه ( جک ) یا خود  
 ( جکیز ) و آغر حرکه لی ایسه ( جق ) یا خود ( جقز ) کتورلدکده  
 اسم تصغیر اولور خانه جک او جکیز او طه جق قیز جقز کبی که  
 کچوک خانه کچوک او کچوک او طه کچوک قیز دیمک اولور . واکر  
 اسمک آخری کاف یا خود قاف اولور سه حذف اولنور بیوجک  
 قوناجق کبی .

اسملر بعضاً مجرد اوله رق قوللانیلوب مبتدا یا خود خبر  
 اولور نته کم استانبول یا تختدر دیدیکمزده استانبول مبتدا یا تخت  
 خبر اولور .

و بعضاً فعله متعلق اوله رق قوللانیلور نته کم کتابی سورم  
 کتابه باقدم و باغچه بی طولاشدم باغچه به کیردم دینلدکده کتاب  
 و باغچه لفظلری کبی . و بعضاً بر اسم دیگر بر اسمیه مضاف  
 اولور . نته کم استانبولک ذوقی دیدیکمزده ذوق کله سی مضاف

واستانبول مضاف الیه اولور. كذلك باغچه نك هواى كوزلدر  
دینلده هوا مضاف وباغچه مضاف الیه اولور .

### ❖ ایکنجی باب صفت بیاننده در ❖

صفت بر اسمك حال و کیفیتى بیلدیرمك ایچون اول  
اسمك یاننه کتوریلان کله در. اواسمه دخى موصوف دینلور.  
وقاعدۀ ترکیه جه صفت دائماً موصوفدن اول کتوریلور سیاه  
آت سیاه آتله کوزل عربه کوزل عربله کبی که سیاه و کوزل  
صفت و آت ایله عربه موصوف اولور .

اسمك آخرینه (لی) کتورلدکده اسم منسوب اولور که  
بودخی بر نوع صفتدر ادرنه لی بروسه لی کبی و بعضاً ( لی )  
یرینه (لو) یازیلور بروسه لو کبی . بعضاً صفتك آخرینه ادات  
تقلیل اولان (جه) کتوریلور صاریجه خفیفجه کبی که بر از  
صاری و آز خفیف دیمك اولور. وصفنرده مبالغه وزیاده لاک  
معناسی قصد اولنورسه (بك) یاخود (چوق) و یاخود (غایت)  
لفظلری علاوه اولنور بك کوزل چوق سیوری غایت یوکسك  
کبی و بعضاً صفتك اولکی حرفی تکرار و برده (با) و یاخود  
(میم) یاخود (صاد) یا (سین) علاوه اولنورق مبالغه معناسی  
افاده اولنور بم بیاض صابصاری قیب قرمزى بم یشیل کوم  
كوك موص مور ماص مائی دوم دوز سيب سیوری قیص قیوراق  
بسبلی کبی که بك بیاض بك صاری بك قرمزى بك یشیل بك

كوك بك مور بك مائي بك دوز جوق سيوري غايت قيوراق  
بك بللی ديمك اولور .

### ❖ اوچنجی باب ضمير بيانده در ❖

ضمير اسمك يرينی طوتان کله در ( او سن بن ) کبی که  
(او) دینلده مقصود هر کیم ایسه آنک و (سن) دینلده  
مخاطب اولان آدمک و (بن) دینلده سویلین آدمک آدی  
سویلنمش کبی اولور .

ضمير اوج قسمدر . ضمير غائب ضمير مخاطب ضمير متکلمدر  
(متکلم) سویلین (مخاطب) آنک قارشوسنده سوز سویلدیکی  
کسینه در (غائب) بو ایکیسندن بشقه بر اوچنجی شخصدر  
ضمير غائب (او) ضمير مخاطب (سن) ضمير متکلم (بن) اولوب  
جملرنده ( انلر . سز . بز ) دینلور .

ضمير لر دخی اسملر کبی بعضاً مجرد اوله رق قوللانیلور  
نته کم او کلدی سن کلدک بن کلدیم دینلدیکی کبی . و بعضاً بر  
فعله متعلق اولور نته کم انی بکله ا کا سویله سنی سورم سکا  
نصیحت ایده یورم بی دکله بکا باق دینلور .

و بعضاً ضمير لر مضاف الیه اولور نته کم انک کتابی سنک  
کتابک بنم کتسابم انلرک کتابلری سزک کتسابلریکیز بزم  
کتابلریمز دینلور

## ﴿ دردنجی باب اسم اشارت بیانده در ﴾

اسم اشارت بر کلمه در که انگله بر شیئه اشارت اولنور. انلر  
دخی (بو) و (شو) لفظلری اولوب جمع لرنده بونلر و شونلر  
دینلور.

اسم اشارت لر دخی بعضاً بویله مجرد اوله رق قوللانیلور و  
بعضاً بر فعله متعلق اولور نته کم بونی کیم یازدی بوکا کیم سویلدی  
شونی کتور شوکا باق دینلدیکی کی. و بعضاً مضاف الیه اولور لر  
بونک حالی شونک سوزی دینلدیکی کی و بعضاً (بو) کلمه سنک  
اوست طرفه ادات تنبیه اولان (ایش) لفظی علاوه اولنه رق  
(اشبو) دینلور.

## ﴿ بشنجی باب مبهمات بیانده در ﴾

مبهمات بر طاقم کلمه لر در که بللی ایتیه رک بر شخصی یا خود بر  
شیئی آکلادر. بونلرک مشهور اولنلری بوراده بیان اولنور.  
(کندی) یالکیز باشنه دیمک اولور نته کم فلان بونی کندی  
یایدی دینلور که بشقه سی قارشه مقسزین یایدی دیمک اولور  
(کیم) بر شخصدن سؤال ایچوند که کیم کلدی کی یا خود علی  
العموم بر شخصی آکلادر کیم کلورسه کلسون کی جمعنده (کیملر  
دینلور.

( نه ) بر شیدن سؤال ایچوندر نه اولدی کبی یاخود  
 علی العموم برشیئی اکلا در نه اولورسه اولسون کبی جمنده (نلر)  
 دینلور.

( نیجه ) و ( نصل ) کیفیتدن سؤال ایچوندر نیجه سکز و نصل  
 اولدی کبی .

( قننی ) بر شخصک یاخور بر شیئک تعیینی ضمنده سؤال  
 ایچوندر نه کم قننی خواجه کله جک قننی کتانی او قوده جق  
 دینلور و بعضاً تعمیم ایچون قوللانیلور قننی کتانی او قودر  
 ایسه او قوتسون کبی .

( قاج ) ساییدن سؤال ایچوندر ساعت قاجدر کبی یاخود  
 علی العموم صانی معناسنه اولور قاج اولورسه اولسون کبی .

### ﴿ التتجی باب مصدر بیانده در ﴾

مصدر بر اسمدرکه بر ایشی یا بمق یاخود شویله بویله اولمق  
 معنالینی افاده ایدر و دائماً آخری (مک) یاخور (مق) اولور.  
 بونده قاعده اولدرکه خفیف اولان مصدرلرک آخری (مک)  
 اولور سومک سونمک سورمک کبی . و حرکه سی آغز اولان  
 مصدرلرک آخری (مق) اولور اتمق قیرمق صورمق اولمق کبی  
 بو (مک) ایله (مق) ادات مصدردر. بونلرک ماقبلی یعنی اوست  
 طرفی اکثریا ساکن اولور سومک یازمق کبی و بعضاً مکسور  
 اولور و کسره به علامت اوله رق (یا) یازیلور اریمک آجیمق

کبی . و بعضاً مضموم اولور و ضمهیه علامت اولارق (وار)  
 یازیلور اوقومق کبی . و بعضاً مفتوح اولوب اکر فتحهسی آغر  
 اولورسه اکا علامت اولهرق (الف) یازیلور اراق اغلامق  
 کبی و فتحهسی خفیف اولورایسه اکا علامت اولهرق (های رسمیه)  
 یازیلور اودمک اورمک کبی . و بو (ها) بعضاً اختصار ایچون  
 حذف اولنور ایلمک سویلمک کبی . لکن اکر کلمهک  
 اوقونمسنه اشتباه اولورایسه اولوقت هانک حذفی جاز اولماز  
 مثلاً بزمک لفظنده (ها) حذف اولنهجق اولسه اوصامق  
 معناسنه اولان بزمک کبی اوقونور .

الحاصل بو حروف املاکلهیی اوقوتدرمق ایچون بر نوع  
 حرکه اولوب ایجابنه کوره بعضاً یازیلور و بعضاً یازلمز مثلاً  
 دوزلمک کبی اوقونمسون دیو دوزلهمک مصدرنده (ها) یازلمق  
 لازمدر . اما سویلهمک مصدری هاسز یازیله بیلور زیرا بشقه  
 کلمهیه مشابهتی یوقدر .

مصدرلریلا لازم و یاخود متعدی اولور چونکه مصدرک معناسی  
 اکر فاعلک حالی اولوبده اندن بشقهسنه طوقونماز ایسه لازم  
 دینلور اویومق کبی که اویویان آدمک بر حالی اولوب بشقهسنه  
 طوقونماز و اکر بشقهسنه طوقونور برایش اولورایسه متعدی  
 دینلور و اول بشقهسی نه ایسه اکا دخی مفعول دینلور قلمی  
 قیرمق کبی که قیران آدم فاعل اولوب قیرمق یالکیز انک بر حالی  
 دکلدیر بلکه قلمه دخی طوقونور بر ایشدر و قلم بوراده مفعول

اولور. بويله اويومق و قيرمق کي فاعلنه نسبت اولنان مصدرلره معلوم دینلور. و اکر مەدینک فاعلندن قطع نظر ایله یالکیز مفعولنه تعلق معتبر اولورسه مجهول دینلور قلم قیرمق کي که مفعول قلم اولوب فاعلی یعنی قیران کیم اولدینی مجهولدر.

معلوملری مجهول قیلحق قاعدهسی بودر که اکر ادات مقصدک ماقبلی ساکن و لامدن بشقه بر حرف اولورسه بر (لام) قاتلحق ایله مجهول اولور سومک سومک قیرمق قیرلحق چکمک چکمک آصمق آصلحق کي. و اکر ادات مصدرک ماقبلی لام یاخود بشقه متحرک بر حرف اولور ایسه (نون) کتوریلهرک مجهول قیلنور بیلکم بیلنمک سویلمک سویلنمک چکنه مک چکننمک ارامق اراتق آجیمق آجینمق اوقومق اوقونمق بی و بعضاً بشقه معنالی افاده ایچون کلمهیه بر یاخود ایکی حرف قانیلور نته کیم اشتراک معناسی افاده ایچون کلمهیه بر (شین) علاوه اولنور اورمق اورشمق چکمک چکشمک کي.

و بر مصدری متعدی قیلحق ایچون (تا) حرفی یاخود (در) لفظی قانیلور اويومق اويومق کزیمک کزدردمک کي بونده قاعده اولدر که ادات مصدرک ماقبلی متحرک اولان یرلرده (تا) کتوریلور چکنه مک چکننمک ارامق اراتق اوخشامق اوخشاتق اریمک اریتمک اوقومق اوقونمق کي و ادات مصدرک ماقبلی ساکن اولان یرلرده (در) کتوریلور کزیمک کزدردمک صارمق صاردمق اوزنمک اوزندرمک تنسنمک تنسندرمک کي



فقط ادات مصدرک ماقبلی (را) یاخوړ (لام) اولدینې صورتده ساکن اولسه دخی ینه (تا) کتوریلور اوتورمق اوتورتمق چیلدرمق آزالمق آزالتمق اکسلتمک اکتسلتمک کبی .

و بر درجه دها متعدی قیلیمق ایستور ایسه (تا) ایله متعدی اولانه (در) و (در) ایله متعدی اولانه (تا) علاوه اولنور اوقوتدرمق یازدرتمق کبی . و بعضاً بر اسمک آخړینه لام مفتوحه بعده ادات مصدر کتوریله رک مصدر یاییلور تلله مک بوللامق کبی .

متعدیلری دخی قاعده سابقه اوزره تلتمک بوللاتمق کلور . و اکر لامدن صکره بر (نون) کتوریلور ایسه مجهول اولور تلتمک بوللاتمق کبی . و بعضاً صفتلر دخی بویله (لام) و (نون) ایله مصدر اولور خسته لکم کبی و بعضاً (نون) یرینه (شین) کلور بو صورت اکثر یا صفتلرده جاری اولور ایولشمک خوشلاشمق کبی . و بعضاً اشتراک ایچون (شین) کتوریلور الله مک اللشمک کبی و بعضاً مصدرلر بشقه برکله ایله ترکیب ایدرک مصادر مرکبه یاییلور آج قالمق آتش یاقق ضیا ویرمک کبی .

ادات مصدر شینه تبدیل اولندقدده حاصل مصدر اولور کلش کیدش کبی . و ادات مصدرک ماقبلی متحرک ایسه برده (یا) کتوریلور سویلیش چکنه یش آرایش اریش کبی .

مصدر لر مثبت یا منفی اولور مثبت شمدی یه دك ذکر اولنان  
مثالار کبی . مثبت مصدر لر بر ( میم مفتوحه ) علاوه اولندقدنه  
منفی اولور سومك یازمق سومیش یازمیش کبی . وجوق دفعه بو  
میمك فتحه سنی بیان ایچون (الف) یازیلور یازماق یازمیش  
کبی وخیف حرکه ایلرده بعضاً ( هاء رسمیه ) یازیلور سومه مك  
سومه یش کبی .

### ❦ یدنجی باب فعللر بیاننده در ❧

فعل بر کله در که بر ایشك یا خود بر کیفیتك اوج زماندن  
قنغیسنده وقوعبولدیغنی بیلدیرر .

نتهم فلان افندی جوق اوقودی یازدی نهایت یورلدی  
او بودی دیدیکمزده اوقویوب یازمق که برر ایشدر ویوریلوب  
اویومق که برر کیفیتدر . بونلرک کچمش زمانده وقوعبولدیغنی  
اکلاشیلور .

اوج زماندن برنجیمی کچمش وقتدر که اکا (ماضی) دینلور  
ایکنجیمی شمدیکی وقتدر که اکادخی (حال) دینلور اوچنجیمی  
که جك وقتدر که اکا دخی (زمان استقبال) و (مستقبل) دینلور .  
ماضی ایکی درلودر . بری ماضی شهودیدر کلدی کبی که  
فلان آدم کلدی کوردم دیمک اولور دیکری ماضی نقلیدر  
کلش کبی که فلان آدم کلدی کوردم اما ایشتم دیمک اولور .  
ادات مصدر آتیلور سه کلمه نك ماده اصلیه سی قالور نته کم

سومك ويازمق كله لرندن ( ملك ) و ( مق ) لفظلری آتدقدە  
سو وياز قالور . ايسته بوکا امر حاضر دینلور . امر حاضرک  
منفیسنه نهی حاضر دینلور سومه یازمه کبی بو ماده اصلیه دن  
بك چوق کله لر مشتق اولور یعنی اکا حرکه وحرقلر علاوه-  
سیله درلو صورتلر پیدا اولورکه انلره صیغه دینلور وکله لرک  
بویله صیغه لمنسنه تصرف دینلور شوبله که ماده اصلیه (سون)  
لفظی علاوه اولندقدە امر غائب اولور سوسون یازسون کبی .  
وامر غائبك منفیسنه نهی غائب دینلور سومسون یازمسون  
کبی وماده اصلیه نك آخرینه ( هاء رسمیه ) کتورلدکده فعل  
الزامی صیغه سی اولورکه التزام و آرزو اولنور برایش اولدیغی  
افاده ایدر سوه . یازه . کبی .

واکر ذاناً آخری حرکه لی ایسه بر ( یا ) علاوه اولنور  
سویله اوقویه کبی بونلرک منفیلرنده سومیه . یازمیه . سویلمیه  
اوقومیه . دینلور .

واکر ماده اصلیه ( ملی ) لفظی علاوه اولنورسه فعل  
وجوبی صیغه سی اولورکه برایشك یایلمسی لازم یاخود لایق  
اولدیغی افاده ایدر .

نته کم سومك كرك دینله جك یرده سوملی ویازمق كرك  
دینله جك یرده یازملی دینلور .

منفیلرنده دخی سوملی دینلور یازملی دینلور وفعل التزام-  
مینك آخرینه خفیف حرکه لی ایسه ( جك ) و آغص حرکه لی

ایسه ( جق ) کتورلدکده فعل استقبال اولور سوه جک یازه جق  
 کبی منفیلرنده دخی سومیه جک یازمیه جق دینلور .  
 وفعل التزامینک آخرینه ( یور ) لفظی کتورلدکده حال  
 صیغه سی اولور سوه یور یازه یور سوه یور یازمه یور کبی  
 اکثریا تخفیف ایچون بونلرک ( هاء رسمیه ) سی ومنفیلرنده  
 ( یا ) سی دخی حذف اولنور وسویور یازیور سومیور یازمیور  
 دینلور . هم حال هم استقبال ایچون قوللانیا لان برصیغه  
 واردرکه اکا فعل مضارع دینلور .

انک قاعده اشتقاقی بودرکه مثبت فعللرده ماده اصلیه  
 برحرکه سز ( را ) علاوه اولنور سویلر اوقور کبی .  
 واکر ماده اصلیه نک آخری ساکن ایسه اکثریا فتحه  
 ایله حرکه لنور سور یازار کبی وبعضاً کسره ایله حرکه لنور  
 ویرر چویرر کبی وبعضاً دخی ضمه ایله حرکه لنور کلور آلور  
 فعل مضارعک منفیلرنده ( را ) برینه ( زا ) کلور سویلمز  
 اوقوماز سومز یازماز ویرمز چویرمز کلز اولماز کبی .

ماده اصلیه ( مش ) علاوه اولندقدده ماضی نقلی اولور  
 سومش یازمش کبی منفیلرنده سومه مش یازمه مش دینلور لکن  
 اکثریا خفیف حرکه لیلرده ( هاء رسمیه ) حذف ایله سومش  
 کبی یازیلور آخر حرکه لیلرده دخی بعضاً ( هانک ) حذفله  
 یازمش و بعضاً الف ایله یازماش کبی یازیلور . و ماده

اصليه نك آخري نه (دی) علاوه اولند قده ماضی شهودی اولور  
سودی یازدی سومدی یازمدی کی .

### امثله مختلفه

مثبت	منفی	
سومك	سومك	مصدر
سودی	سومدی	فعل ماضی شهودی
سومش	سومش	فعل ماضی نقلی
سور	سومز	فعل مضارع
سوه یور	سومیور	فعل حال
سوه جك	سومیه جك	فعل استقبال
سوملی	سوملی	فعل وجوبی
سوه	سومیه	فعل التزامی
سوسون	سومسون	امر غائب ایله نهی غائب
سو	سومه	امر حاضر ایله نهی حاضر

بونلر خفیف حرکه لی فعللارک مثاللریدر . آغر حرکه لیلر  
دخی بویه جه تصریف اولنه شو قدرکه انلرک مصدر لرنده  
(مق) اولدینی کی فعل استقبال لرنده دخی (جق) کلور یازه جق  
یازمیه جق کی . و بونلر هپ مفرد صیغه لریدر . امر حاضر  
ایله نهی حاضرک آخری نه (یکز) لفظی کتورلدکده جمع اولور  
سویکز یازیکنز سومیکز یازمیکز کی . امر غائب ایله نهی

غائبك آخريته (لر) كلكده جمع اولور سوسونلر يازسونلر سو-  
 مسونلر يازمسونلر كي سائر صيغه لر دخی هپ بويله (لر) ايله جملنور  
 سوديلر سومشلر سورلر سوه يورلر سوه جكلر سوميلر سوه لر  
 كي انجق بونلر هپ غائب صيغه لر يدر انلرک مخاطب و متکلملری  
 دخی اولوب بونلرک قاعده لری دخی بوراده بيان اولنور .  
 ماضی شهوديده مفرد غائبك آخريته بر صاغر كاف كتورلد-  
 كده مفرد مخاطب اولور سودك يازدك كي و ( يکز ) لفظی  
 كتورلد كده جمع مخاطب اولور سوديكنز يازديكنز كي و ( ميم )  
 كتورلد كده مفرد متکلم اولور سودم يازدم كي و خفيف  
 حرکه ايلرده ( كاف ) و آغر حرکه ايلرده ( قاف ) كتورلد كده  
 جمع متکلم اولور سودك يازدق كي .

و فعل ماضی نقليده مفرد غائبه ( سين ) علاوه اولندقدہ  
 مفرد مخاطب و ( سـکـز ) علاوه اولندقدہ جمع مخاطب اولور  
 سومشسين سومشسکنز كي .

و ( ميم ) علاوه اولندقدہ مفرد متکلم و ( زا ) علاوه اولندقدہ  
 جمع متکلم اولور سـومـشـم سومشز يازمشم يازمشز كي فعل  
 مضارعده دخی کذلک ( سين ) علاوه سيله مفرد مخاطب و ( سـکـز )  
 علاوه سيله جمع مخاطب اولور سورسين سـورسکنز يازارسين  
 يازارسکنز كي .

منفيلرنده سومزسين سـومزسکنز يازمازسين يازمازسکنز  
 دينلور و ( ميم ) علاوه سيله مفرد متکلم و ( زا ) علاوه سيله جمع

متکلم اولور سورم سورز یازارم یازارز کبی بونلرک منفیلرنده  
دخی سومزم سومز یازمازم یازماز کاور فقط تخفیف ایچون  
(زا) حرفی اکثریا مفرد متکلمنده حذف و جمع متکلمنده  
یایه قلب ایله سوم سومیز یازم یازمیز دینلور حال صیغه سنده  
دخی بویله (سین) لفظی ایله مفرد مخاطب و (سکز) لفظی ایله  
جمع مخاطب و (میم) حرفیه مفرد متکلم و (زا) حرفیه جمع  
متکلم اولور سوه یورسین سوه یورسکز سوه یورم سوه یورز کبی.  
استقبال صیغه سنک مخاطب و متکلملری دخی بوقاعده  
اوزره در سوه جکین سوه جکسکز سوه جکم سوه جکز کبی شو  
قدر وار که آخر حرکه لی اولان فعل استقبال متکلملرنده (قاف  
غینه) تبدیل اولنور یازه جغم یازه جغز کبی فعل وجوب صیغه سنده  
دخی (سین) و (سکز) علاوه سیله مخاطب اولور سوملیسک  
سوملیسکز کبی و (میم) علاوه سیله مفرد متکلم و (ز) علاوه سیله  
جمع متکلم اولور سوملیم سوملیز کبی فعل التزامی صیغه سنده  
(سین) و (سکز) ایله مخاطب اولور سوه سین سوه سکز کبی و  
(یم) علاوه سیله مفرد متکلم و (لم) علاوه سیله جمع متکلم  
اولور سوه یم سوه لم کبی .

( ۲۱ )

## امثلهٔ مطرده

مضیف مرکبی فعل ماضی شهودی

غائب	مخاطب	متکلم	
سودی	سودک	سودم	مفرد
سودیلر	سودیکیز	سودک	جمع

آغمر مرکبی فعل ماضی شهودی

یازدی	یازدک	یازدم
یازدیلر	یازدیکیز	یازدق

بونلر ماضی شهودینک مثبت صیغه لری اولوب منفیلری  
دخی عینیه بویله جه تصریف اولنور آروجه بیانه محتاج نکلدر.

## ماضی نقلی

غائب	مخاطب	متکلم	
سومش	سومشین	سومشم	م
سومشلر	سومشکیز	سومشز	ج

بونلر خفیف حرکلی و مثبت اولان ماضی نقلی صیغه لری  
اولوب آغمر حرکلی اولان ماضی نقلی مثبت ایله ایکیسینک  
دخی منفیلری عینیه بویله جه تصریف اولنور .



( ۲۲ )

## فعل مضارع مثبت

متکلم	مخاطب	غائب
سورم	سورسین	سور
سورز	سورسکز	سورلر

## فعل مضارع منفی

سوم	سومزین	سومز
سومیز	سومزکز	سومزلر

## حال مثبت

سوه یورم	سوه یورسین	سوه یور
سوه یورز	سوه یورسکز	سوه یورلر

## حال منفی

سومیورم	سومیورسین	سومیور
سومیورز	سومیورسکز	سومیورلر

فعل مضارع ایله فعل حالک آغز حرکه لی اولانلری دخی  
عینیه بویه تصریف اولنور

## خفیف حرکه لی فعل استقبال

غائب	مخاطب	متکلم
سوه جک	سوه جکسین	سوه جکم مفرد
سوه جکلر	سوه جکسکیز	سوه جکیز جمع

## آغر حرکه لی فعل استقبال

یازه جق	یازه جقسین	یازه جقم
یازه جقلر	یازه جقسکیز	یازه جقیز

اشبو استقبال صیغه لرینک منفیلری دخی عینله بو قاعده  
اوزره تصرف اولنور .

## فعل وجوبی

سوملی	سوملیسین	سوملیم
سوملیلر	سوملیسکیز	سوملیز

بونلرک منفیلری و آغر حرکه لیلری دخی بویله جه تصرف  
اولنور .

## فعل التزامی مثبت

سوه	سوه سین	سوه یم
سوه لر	سوه سکیز	سوه لم

## فعل التزامی منفی

سومیه	سومیه سین	سومیه یم
سومیه لر	سومیه سکنز	سومیه لم

## امر و نهی صیغه لری

امر غائب	نهی غائب
سوسون	سومسون
سوسونلر	سومسونلر
امر حاضر	نهی حاضر
سو	سومه
سویکنز	سومیکنز

## فعل

فعللر ایکی قسمدر برنجیمی فعل خاصدرکه اندن بر مخصوص ایش یاخود بر مخصوص کیفیت اکلاشیلور یازدی اوقودی سودی اویودی کی .

ایکنجیمی فعل عامدرکه اندن بر مخصوص ایش یاخود بر مخصوص کیفیت آکلاشیلمیوب بکه هپ ایشله و یاخود هپ کیفیتله شامل اولور . ایدی اولدی ایتدی ایلدی کی بوافعال عامه بر فعل خاص ایله ترکیب اولنه رق افعال مرکبه صیغه لری حاصل اولور .

او قومش ایدی یازم جق اولدی نظر ایتدی هوس ایلدی  
کی. ایدی اولدی فعل لازم حکمنده ایتدی ایلدی فعل متعدی  
حکمنده در.

قیلیدی ماده سی دخی افعال عامه دن اوله رق ایتدی ایلدی  
مقامنده قوللانیلور. ایتک ایلماق قیلقی ماده لری بوقاروده  
ذکر اولنان افعال خاصه کی تصریف اولنور شویله که ایتک  
ماده سی عینیه سومک کی تصریف اولنور فقط هر نه وقت  
( تا ) حرکه لنور سه ( داله ) قلب اولنور.

تسه کم. ایتدی. ایتمش. ایدر. ایدم یور. ایدم جک. ایتلی.  
ایده. ایتسون. ایت. دینلور.

منفیلرده دخی ایتدی. ایتمش. ایتمیور. ایتیه جک ایتلی.  
ایتیه. ایتسه ون. ایتیه. دیو تصریف قیلنور. ایلماق ماده سی  
بوقاعده اوزره تصریف اولنورق. ایلدی. ایلماش. ایلر.  
ایلیور. ایلیه جک. ایلماق. ایلیه. ایلسون. ایل. دینلور  
منفیلری ایلمدی. ایلماش. ایلماز. ایلمیور. ایلیمیه جک.  
ایلماش. ایلیمیه. ایلماش ون. ایلماش. دیو تصریف اولنور  
قیلمق ماده سی دخی یازمق کی تصریف اولنورق قیلدی.  
قیلماش. قیلار. قیلور. قیله جق. قیلماق. قیله. قیلسون. قیل.  
دینلور.

منفیلری دخی قیلمدی. قیلماش. قیلماز. قیلمیور.  
قیلمیه جق قیلماق. قلمه. دیو تصریف اولنور افعال عامه ده

بو اوج ماده بعض اسملر ایله ترکیب ایدر نته کم درسه هوس  
ایت بهوده شیرلی آرذر ایلمه هر ایشک صوکنه نظر قیل  
دینلور و بعضاً صفتلر ایله ترکیب ایدرلر نته کم بن انک خاطرینی  
خوش ایتدم سنیده خه شنود ایلم مایوس قیلیم دینلور اولماق  
ماده سی . اولدی . اولمش . اولور . اولیور . اوله جق . اولمی .  
اوله . اولسون . اول دیو تصریف اولنور .

منفیلرنده دخی . اولمدی اولماش اولماز اولیور اولیه جق  
اولمالی اولیه اولسون اوله . دینلور .

واشبو اولمق ماده سی صکره دن بر وصفک حصوله کله سی  
مقامنده قوللانیلوب بعضاً بر صفت ایله ترکیب ایلم نته کم فلان  
کیمسه زنکیین اولدی دینلور که زنکیین دکل ایکن صکره دن  
زنکیین اولدی دیمک اولور .

و بعضاً افعال خاصه دن ماضی نقلی یاخود مضارع ویاخود  
مستقبل صیغه لرینک مفرد غائیله ترکیب ایدر نته کم کلش اولدی .  
کلز اولسون . کیده جک اولمش . دینلور ایدی ماده سی برشیثک  
فی الاصل نه حالده بولندیغی افاده مقامنده قوللانیلور و بعضاً  
بر صفت ایله ترکیب ایدر نته کم فلان آدم زنکیین ایدی دینلور که  
اول آدمک فی الاصل زنکیین اولدیغی افاده ایدر .

و بعضاً افعال خاصه نک مفرد غائی ایله ترکیب ایلم کلور .  
ایدی یازملی ایدی . کبی بوکا فعل اعانه دینلوب ماضی شهودی  
ونقلیسی ایله برده صیغه شرطیه سی قوللانیلور و سائر صیغه لری یوقدر .

## صورت تصریفی ایشته بو وجهله در

### فعل اعانه نك ماضی شهودی

ایدی	ایدك	ایدم
ایدیلر	ایدیكنز	ایدك

### فعل اعانه نك ماضی نقلی

ایمش	ایمشین	ایمشم
ایمشلر	ایمشكنز	ایمشز

### صیغه شرطیه سی

ایسه	ایسه ك	ایسه م
ایسه	ایسه كنز	ایسه ك

بعضاً صیغه شرطیه نك مفرد مخاطبیه متکلملرنده ( هاء

رسمیه ) حذف اولنه رق ایسك ایسم ایسك یازیلور .

افعال خاصه نك مفرد غائبی اشیو فعل اعانه نك ماضی شهودیسیله ترکیب ایتدکده حکایه صیغه لری حاصل اولور سومش ایدی سور ایدك سوه یور ایدم کبی و ماضی نقلیسیله ترکیب ایتدکده روایت صیغه لری حاصل اولور سور ایمش سوه . جك ایمش کبی .

و صیغه شرطیه ایله ترکیب ایتدکده افعال شرطیه صیغه لری حاصل اولور سودم ایسه . سور ایسه كنز . کبی و حکایه ماضی

شهودی دیگر بر صورتله دخی تصریف اونتور شویله که اصل فعل خاصک امثله مطرده سی (ایدی) کله سیله ترکب ایدر و بو صورتده ایدی کله سندن (ای) حذف اولنه رق (دی) قالور سودیدی سودیدیلر کبی ماضی شهودی شرطی صیغه لری دخی بویله ایکی درلو اولور مثلاً سودم ایسه دینلیدی کبی سودیم دخی دینلور .

سائر حکایه و روایت صیغه لریله صیغه شرطیه لریله دخی بویله تخفیفی جائز اولور نته کم کلور ایدی کلور ایمش کلور ایسه . دینلیدی کبی کلوردی کلورمش کلورسه دخی دینلور .

فیض فعل التزامینک حکایه و روایت صیغه لرلنده دائماً ماده اصلیه نیک آخرنده (هائ رسمیه) ایله فعل اعانه نیک النی اسقاط اولنور و صیغه شرطیه سنده ماده اصلیه نیک آخری حرکه لثیموب ساکن او قونور نته کم کلیدی کلیمش و (لامک) سکونیه کلهسه دینلور کله ایدی کله ایمش کله ایسه دینلمز کذلک کیدیدی کیدیمش کیتسه دینلور کیده ایدی کیده ایمش کیده ایسه دینلمز . شرط بر فعله دیگر فعلک اتصالی افاده ایدر و برینه شرط و او برینه جزا دینلور نته کم درسه چالیشیور ایسه ک فیض الورسین دینلدر کده چالیشیور ایسه ک شرط و فیض الورسین جزا اولور .

و بعضاً فعل التزامینک حکایه و روایت صیغه لری کبی صیغه شرطیه سی دخی تمنی معناسنه قوللانیلور .

نته کم کاشکی و قتیله درسه چالیشیدم و کاشکی تحصیل علم  
بولنده بولیمشز دینلادیکی کبی آه بوسنه امتحاننده صنفی  
کچیم دینلور .

## حکایه صیغه لرینک تصریفی

### مطایه ماضی شهودی

غائب	مخاطب	متکلم
سودی ایدی	سودک ایدی	سودم ایدی
سودیلر ایدی	سودیکز ایدی	سودک ایدی

### صورت دیگر

سودیدی	سودیدک	سودیدم
سودیدیلر	سودیدیکز	سودیدک

### مطایه ماضی نفی

سودیدی	سومش ایدک	سومش ایدم
سومش ایدیلر	سومش ایدیکز	سومش ایدک

### مطایه مضارع

سوردی	سوردک	سوردم
سوردیلر	سوردیکز	سوردی



( ۳۰ )

### مطایع حال

سوه یور ایدی	سوه یور ایدک	سوه یور ایدم
سوه یور ایدیلر	سوه یور ایدیکنز	سوه یور ایدک

### مطایع مستقبل

سوه جک ایدی	سوه جک ایدک	سوه جک ایدم
سوه جک ایدیلر	سوه جک ایدیکنز	سوه جک ایدک

### مطایع فعل و جربی

سوملی ایدی	سوملی ایدک	سوملی ایدم
سوملی ایدیلر	سوملی ایدیکنز	سوملی ایدک

### مطایع فعل التزامی

سوییدی	سودک	سویدم
سوییدیلر	سوییدیکنز	سوییدک

## روایت صیغه لرینک تصریفی

### روایت ماضی نقلی

سومش ایمش	سومش ایمشین	سومش ایمشم
سومش ایمشلر	سومش ایمشکنز	سومش ایمشز

### روایت مضارع

سور ایمش	سور ایمشین	سور ایمشم
سور ایمشلر	سور ایمشکنز	سور ایمشز

## روایت حال

سوه یور مشم	سوه یور مشسین	سوه یور مش
سوه یور مشز	سوه یور مشسکز	سوه یور مشلر

## روایت مستقبل

سوه جک مشم	سوه جک مشسین	سوه جک مش
سوه جک مشز	سوه جک مشسکز	سوه جک مشلر

## روایت فعل مجهولی

سوملی ایم شم	سوملی ایم شسین	سوملی ایم ش
سوملی ایم شز	سوملی ایم شسکز	سوملی ایم شلر

## روایت فعل انزائی

سوی شم	سوی شسین	سوی ش
سوی شز	سوی شسکز	سوی شلر

## افعال شرطیه نك تصریفی

## ماضی شرطی شهردی

سودم ایسه	سودک ایسه	سودی ایسه
سودک ایسه	سودیکز ایسه	سودیلر ایسه

## دیگر صورت

سودیسم	سودیسه ک	سودیسه
سودیستک	سودیسه کز	سودیسه لر

## ماضی نفی شرطی

سومش ایسه	سومش ایسه ک	سومش ایسم
سومش ایسه لر	سومش ایسه کنز	سومش ایسک

## مضارع شرطی

سور ایسه	سور ایسه ک	سور ایسم
سور ایسه لر	سور ایسه کنز	سور ایسک

## حال شرطی

سوه یور ایسه	سوه یور ایسه ک	سوه یور ایسم
سوه یور ایسه لر	سوه یور ایسه کنز	سوه یور ایسک

## مستقبل شرطی

سوه جکسه	سوه جکسک	سوه جکسم
سوه جکسه لر	سوه جکسه کنز	سوه جکسک

## فعل وجهی شرطی

سوملی ایسه	سوملی ایسه ک	سوملی ایسم
سوملی ایسه لر	سوملی ایسه کنز	سوملی ایسک

## فعل التزامی شرطی

سوسه	سوسک	سوسم
سوسه لر	سوسه کنز	سوسه ک
افعال مرکبه نك بر قسمی دخی فعل اقتداریدر که بر ایش		
مقتدر اولوق معناسنی افاده ایدر .		

بونده قاعده اولدرکه افعال خاصه دن بر فعل التزامینک  
مفرد غائی بیلیمک ماده سیله ترکیب ایتدکده فعل اقتداری اولور  
کله بیلدی چیقہ بیلدی کبی که کلمه که مقتدر اولدی و چیقمه  
مقتدر اولدی دیمک اولور .

افعال اقتداریه نك مثبتلری بیلیمک ماده سنك تصریفله  
تصریف اولور اما منفیلرنده ( بیل ) لفظی حذف اولور .  
کله مدی چیقہ مدی کبی . کرك مثبتلرینك و كرك منفیلرینك  
کیفیت تصریفلری بوراده بیان اولور .

### خفیف حرکه لی افعال اقتداریه

منفی	مثبت
کله نمک	کله بیلیمک
کله مدی	کله بیلدی
کله نمش	کله بیلشم
کله مز	کله بیلور
کله میور	کله بیلیور
کله میه جک	کله بیله جک
کله عملی	کله بیلعملی
کله میه	کله بیله

### آخر حرکه لی افعال اقتداریه

منفی	مثبت
چیقہ مامق	چیقہ بیلیمک
مصدر	

چيقه بيلدى	چيقه مېدى	ماضى شهودى
چيقه بياشمى	چيقه مامش	ماضى نقلى
چيقه بيلور	چيقه ماز	مضارع
چيقه بيلور	چيقه ميور	حال
چيقه بيله جك	چيقه ميه جق	مستقبل
چيقه بيلملى	چيقه ماملى	فعل وجوبى
چيقه بيله	چيقه ميه	فعل التزامى

بونلر مفرد غائب صيغه لرى اولوب مخاطب و متكلملرى  
وجمللى دخی يوقاروده بيان اولنان قاعده لره كوره تصريف  
اولنور .

افعال مركبه نك بر قسمى دخی افعال تعجيليه دركه افعال  
خاصه دن برينك ماده اصليه سنك آخرى كسره ايله حركه .  
لندكدن صكره ( ويرمك ) ماده سيله تركيب اولندقدن فعل  
تعجيل اولوب بر ايشى قولايقله چابوق ياقى معناسنى افاده  
ايدر يازيويرمك كې . واكر ماده اصليه نك آخرى ذاتاً حركه لى  
ايسه بر ( يا ) زياده قيلنور سويليويرمك كې .

### صورت تصريفى بو وجهله در

يازيويردى	يازيويرمش	يازيويرر
يازيويربور	يازيويره جك	يازيويرملى
يازيويره	يازيويرسون	يازيوير

بونلر ك منفيللى وامثله مطرده لرى دخی بالاده مذكور  
قاعده لره كوره تصريف اولنور .

## سکزنجی باب فرع فعل بیاننده در

فعللردن مشتق بر طاقم صفتلر وارددر که فعللرک فرعلریدر  
بونلردن بری اسم فاعل وبری اسم مفعولدر بر طاقنه دخی  
صفت مشبهه دینلور .

اسم فاعل فعل معلوملردن کلور شویله که ماده اصلیه نک  
آخری فتحه ایله حرکه لندکدن صکره بر (نون) علاوه اولندقدده  
اسم فاعل صیغه سی اولور سه و مک ماده سندن سون و یازمق  
ماده سندن یازان کی . واکر ماده اصلیه نک آخری ذاتاً حرکه کی  
ایسه برده ( یا ) علاوه اولور سویلین اوقویان کی اسم مفعول  
دخی بو قاعده اوزره فعل مجهولدن مشتق اولور سویلین یازیلان  
سویلین اوقونان کی .

کړک اسم فاعل وکړک اسم مفعول (لر) ایله جمع لنور سونلر  
یازانلر سومینلر یاز میانلر سویلیانلر یازیلانلر سویلمیانلر یازلیانلر  
کی وبرکیمسه بر فعلی بیاغی صنعت ایدینورسه اکا صفت اولمق  
اوزره ماده اصلیه نک آخرینه ( یاه املا ) و ( جی ) علاوه سیله  
اسم فاعل یاییلور . یازیجی اوقویجی کی وبعضاً بو ( جی ) حرفی  
اسملره دخی الحاق اولور اکمکیجی و سودجی کی . و فعل  
مجهولک ماضی نقلیهی اسم مفعول صیغه سی دخی اولور نته کم  
یازیلان دوزیلان قوش ییلان دینله جک یرده یازلمش دوزلمش  
قوشلمش دینلور .

قوللانیلور قیاس ایله بیلنمز وهر ماده دن مطرد اوله رق کلز .  
 یتک آجیق چور وک ضولوق کسکین طالغین دوشکون یورغون  
 سویملی سوکیلی یازیلی یاقشقلی کبی  
 ایشکین صولوغان بیلکیچ طالقیش صیغه لری مبالغه اسم  
 فاعلدر زیاده ایشیدیحی زیاده صولویچی چوق بیلچی چوق  
 طالیحی معنالیخی افاده ایدر لر بونلر دخی سماعیدر هر ماده دن بر  
 قاعده مطرده اوزره کله و فعل التزامینک مفرد غائبه خفیف  
 حرکه لی ایسه ( دک ) و آضر حرکه لی ایسه ( رق ) علاوه  
 اولندقدن بر نوع صفت اولور نته کم کوله رک کلدی اغلایه رق  
 کیتدی دینلور .

## طقوزنجی باب

ادوات بیاننده در

( ادوات ) بر طاقم لفظلر درکه باشلی باشنه بر معنی افاده  
 ایتیموب انحق بشقه کله لر علاوه اولنه رق یا خود کله لر اره سنده  
 بولنه رق اول کله لر مخصوص معنالر افاده ایدر .  
 ( ایچون ) ادات تعلیلدرکه بر فعلک سبب و علتی بیلدیرمک  
 ایچون کله لرک اخرینه کلور نته کم درس ایچون مکته کلدیم  
 کلنمک ایچون بفتجه یه کیدرم سنک ایچون یر حاضرلدم بنم  
 ایچون غم چکمه دینلور .  
 ( زیرا ) دخی تعلیل ایچوندر انحق کلامک ابتداسنه کلور  
 نته کم چالش زیرا سنه باشی امتحاننده کیرویه قالورسین دینلور .  
 ( چونکه ) دخی زیرا مقامنده قوللانیلور .

(اوزره) بر شيثك اوستى دىنله جك یرده قوللانیلور نته كم  
ایاق اوزره طور دی وطامك اوزرینه چیقدی دینلور .  
(ایله) بر ائکده اولق معناسی افاده ایدر نته كم فلان افدی  
ایله جامعه کتدم دینلور وا کثریالات و واسطه اولان شیلره لاحق  
اولور نته كم یحاق ایله کسدى و عربیه ایله کیتدی دینلور .  
وبعضاً الف ویاسی حذف اولنه رق یالکز (له) قالور مثلاً  
یحاقله دینلور .

(ده) ظرفیت ایچوندر مکتبده او قودم عربده اویودم  
رمضانده اوروچ طوتدم کې .

(دن) ابتدا ایچون و (دك) اتها ایچوندر نته كم استانبولدن  
حلبه دك و حلبدن اور فیه دك کیتدم دینلور و بعضاً بر شيثك اصلنى  
بیان ایچون قوللانیلور چوقه دن جبه کسدرم کې و بعضاً تبیض  
ایچون کلور شو سوزیدن بر قوزی کتور وشو اتدن بر پارچه  
کس دینلدی کې . و بعضاً تفضیل مقامنده قوللانیلور . تفضیل  
بر شینی دیگر شیشه ترجیح ایتکدر . نته كم مکتبه کیتمك باغچه ده  
کز مکدن دها فائده لیدر .

(ادات تفضیل) ایکدر بریسی (دها) لفظیدر که دائماً  
بوyle (دن) لفظندن صکره کلور .

ایکنجیسی (اك) لفظیدر هنرلرك الكاعلاسی یازیدر دینلدی  
کې (کې) ادات تشبیهدر یعنی بر شینی بر شیشه بکزتمك ایچون  
قوللانیلور نته كم دیشلری اینجو کییدر دینلور .

(ننه که) دخی تشبیه و تمثیل ایچون قوللانیلور و بعضاً  
(میم) علاوه سیله نته كم دینلور .



(صانکه) کلمه سی دخی بویه تشبیه مقامنده قوللانیلور .  
 نته که بن سی صانکه بیلمیورم دینلور که کویا بیلمیورم کی  
 دیمک اولور .

(که) ادات ربطدر اکلادم که سن درسه چالیشیورسین  
 دینلدیکی کی .

(دخی) ادات عطفدر نته که بن کلدی او دخی کلدی دینلور  
 وبعضاً (خی) حذف اولنهرق ویرینه (هء رسمیه) قونیلهرق  
 اوده کلدی دینلور .

(هم) دخی ادات عطفدر کلدی هم کیتدی کی وبعضاً  
 مکرر اولنهرق قوللانیلور هم کلدی هم کیتدی کی و بویه مکرر  
 اولدینی صورتده ایکنجیسنه بعضاً (ده) علاوه اوانور . مثلاً  
 بو کون سیر یرنده هم چوق پاره صرف ایتدم همده اکلنهمدم  
 دینلور . وبعضاً ادات عطف محذوف اولور . نته کم کاغد قلم  
 کتور دینلور که کاغد هم قلم دیمکدر .

ولسانمزده بر صیغه فعلیه وارد که ادات عطف معناسنی  
 متضمن اولور اکا صیغه عطفیه دینلور بونده قاعده اولدر که  
 ماده اصلیه نك اخری مضموم قیلنور و برده (یا) علاوه اولنور .  
 کلوب کیتدی . کی که کلدی هم کیتدی دیمک اولور .

اگر ماده اصلیه نك اخری ذاتاً حرکه لی ایسه بر (یا) دخی  
 علاوه قیلنور او قویوب یازدی و سویلیوب یازدردی کی  
 (یاخود) دخی ادات عطفدر انجق تردید مقامنده قوللانیلور .  
 نته که مکتبه کیت یاخود بر صنعت او کرمکه سی ایت دینلور .

و بعضاً ( خود ) حذف اوله رق یا لکز ( یا ) قالور کلش یا کله جکمش کی بعضاً مکرر اوله رق کلور و بو صورتله اولکیسی دائماً مخفف اولور یا سفره به اوتور یا خود صفه به جیق کی .

( دیو ) کله سی ترجی یعنی بر شیتک و قوعنی امید و مأمول اتمک مقامنده قوللانیلور نته کم بکا ا کرام اولنور دیو کلدیم دینیلور که ا کرام اولنور امیدله کلدیم دیمک اولور .

( انجق ) حصرا یچوندر یعنی بر شیت بر شیته منحصر اولمسی افاده ایدر نته کم بو ایشی انجق فلان کیمسه یا په بیلور دینیلور که بو ایشی یامق اکا منحصر در بشقه سی یا په ماز دیمک اولور .

( می ) ادات استفهامدر یعنی بر شیتی اکلماق ایچون صور مق معناسی افاده ایدر نته کم فلان آدم کلدیمی و سن بو کونمی کلدک دینیلور و بعضاً نفی مقامنده قوللانیلوب اکا استفهام انکاری دینیلور نته کم بن سکا فلان آدم کلمزدیدم باق کلدیمی دینیلور و کلدی معناسی قصد اولنور . ( ادات نفی ) اسملرده ( سز ) و صفتلرده ( دکل ) لفظلریدر . ادب سز و ادبی دکل کی و مصدرلرک آخرینه سز کلدکده ( یا ) و ( نون ) دخی علاوه اولنور . کله کم سزین اوتور مقسزین کی کرک مصدرلرده و کرک فعللر ایله فرع فعللرده ( میم ) حرفی ادات نفی اولور نته کم التنجی ویدنچی و سکنزنجی با بلرده بیان اولنمشیدی .

( هیج ) نفی تا کیدایچوندر نته کم فلان افندی درسی هیچ ترک ایتمدی بن اکا هیج برشی دیهیم دینیلور .

( لک ) و ( لق ) اسملرده محلیت معناسی افاده ایدر چنلک

وچاليلق کي وصفيلرده مصدریت معناسنی افاده ايدر چرکيلک  
و قنبورلق کي .

( آ ) ادات ندادر آجانم کي وکله نك اولی الف ايسه بوکا  
بر ( يا ) علاوه اولنور آی افندم کي .

و بعضاً تا کيد ايچون فعللرک آخريته ( آ ) کتوريلوم  
نته کم بويله اولور آ دنييلور که نه شبهه بويله اولور ديمکدر و فعل  
ا کر خفيف حرکه لی ايسه بو ( آ ) دخي خفيف حرکه ايله  
تلفظ اولنور نته کم فلان افندی بو کون مکتبه کيدر نه دنييلور که  
البته کيدر ديمک اولور آخري حرکه لی فعللر دن صکره کلان  
( آ ) حرفدن اول برده ( يا ) کتوريلور نته کم ديديمک چيقدی يا  
فلان افندی کلدی يا دنييلور که تحقيق ديديمک چيقدی و فلان کلدی  
ديمک اولور .

ايشته ادات تنبيهدر يعنی مخاطبک نظر دقتی جلب ايچور  
قوللانييلور . ايشته شوکا باق ايشته درسه بويله چالشمی لي  
( ها ) دخي ادات تنبيهدر نته کم هادکله بن سکا بو مسئله  
اکلا ده يم دنييلور .

( هله ) دخي ادات تنبيه ايچون قوللانييلور هله شوکا باق کي واک  
مظفريت مقامنده کلور هله درسمی بلله دم و هله ديديمکی يادیم کم  
و بعضاً خصوصاً مقامنده قوللانييلور نته کم درسعادتك  
بوفاز ايچنک هواسی نه لطيفدر دنييلور .

( هايدی ) استعجال ايچوندر . هايدی مکتبه کيده نم دنييلدی  
تم طبع الرسالة





